

2nd September, 201 (Pathianni)

Thupui : Varna dik. (Joh. 1:9-10; 9:5)

Chairman : _____

Thuhriltu : _____

Tholôm (Offering): -Mobile Theological Fund.

Thil hring murdi hin vâ an innanga, vâ boiin hringst theina nei ngai mahaia, an chuai zel ngai a nih. Asan chu vâ khan irnâk a pêka, thil hring murdi a'rsontira puithlingna nun hai an chang ngai a nih.

Mihriam hi Pathian isiam, Ama angna le irlîm angna hringna nei a nih. Khan mihriam hin Pathian Thu zômnona sikin sualna-ah inrlin, Pathian angna le irlîm kha irhmang a hong ni taka, kha taka irthokin, sual an hong ni tâk a nia, Pathian hmelmha râ le zingna hnuaia an om tak a nih. Mihriam khom a bingîn vâ nitheita maka, a zing hnuaia an om ta a nih.

Khannisian, Pathian'n rammual lung a thung tak taka, a Naipa neisun a pêk taka, kha vâ pêk khan mihriam hranga hringna a ni taka, Ama iamtu hai hrangin chu taituana hringna khah an nei thei tak a nih. Jisua hi vâna dik le vâna hnâr a nia, rammuala zuangin, mitinin hringna vâ an nei theina hrangin a zing kha a êl invâ tâk a ni.

Insîrsôpna:

1. Mihriam hi vâna dik a dong mân le a dong hnungin itinmo a om ?
2. Hringna vâ hi imani ?

Thumahruai

Kum danga ei lei tho tak angin, kumin 2012 khom hin CHT Synod Beirual Thupui-Rammual vâ nin ni (*You are the light of the world*) (Matt. 5:14) ti hi ei Synod Inkhômpui a thurel angin, hi thupui siamsuak hrangin keima chung a irhngat a nia; khasikin, ki thei dôra hmang le ngaitua theia ki om sikin asan ki lom a ni. Khan a thu hi chip-chiar takin ni zoi no khomsian, hi Beirual programme hmang murdihai chung a Pathian satvurna om sian lan; kha khela, Bible irchâng dang dang khom a thupui irhmêpuina haia, khom hmangsa thiai hrangin ngen nin ni sa.

Khan CHT Synod Beirual thupui hi buk thumin sen sâi a ni.

- A. Rammual le omzia. (Sept. 1 - 10)
- B. Rammual invâ hranga tir nin ni. (Sept. 11 - 20)
- C. Kristian insûngkuuaa rammual vâ nin ni. (Sept. 21 - 30).

Tarik

Thupui

A. Rammual le vâ omzia (Sept.1 - 10).

1. Irtûngni : Vâ hi imani ?
2. Pathianni : Vâna dik.
3. Sinphutni : Hringna vâ.
4. Sinnokni : Rammual vâ.
5. Nilaini : Mihriamhai vâna.
6. Nilaichum : Varna râ.
7. Irtanni : Rammual.
8. Irtûngni : Rammual hi lungthung hrang ni mah.
9. Pathianni : Pathianin rammual lung a thung.
10. Sinphutni : Rammual le vâ.

B. Mission-ah rammual vâ nin ni (Sept. 11 - 20).

11. Sinnôkni : Thurchi Sa hrilna.
13. Nilaichum : Chongchaina hai.
14. Irtanni : Inpâknahai.
15. Irtûngni : Sintho sahai.
16. Pathianni : Kristian nun.
17. Sinphutni : Indamna sin.

18. Sinnôkni : Kristian thilpêkna.
 19. Nilaini : Mipui hai om dan dik taka indom irsangna.
 20. Nilaicham : Thoiin lan, vâv suak roh..

C. Kristian insungkua-a rammual vâv nin nih (Sept. 21 - 30).

21. Irtanni : Kei le ki insung mihaiin chu Rengpa sin hih tho kin tih .
 22. Irtungni : Kristian sungkua maichâm.
 23. Pathianni : Kristian sungkua-a lu tak.
 24. Sinphutni : Insungkuaa Kristian naipanghai.
 25. Sinnokni : Kristian sungkua-a pu le suakhai.
 26. Nilaini : Pahaiin an dongmahai lungthungin, an chungasual no roi.
 27. Nilaichum : Kristian nupui hai chu mani Pasal hai kuanga i'rpek lut ri se.
 28. Irtanni : Nupang om dan thei.
 29. Irtungni : Sungkua hlim le lom.
 30. Pathianni : Kristian sungkua inlianna

Tholôm (Offering)

Kum danga ei lei ihmang dân angin, tholôm chu voi minli om a ti. Hi tholômhai hih Presbytery lût bakin, Synod Office-ah pêklût ni ri se.

2nd Sept. 2012 (Pathianni) : Mobile Theological School Fund.

9th Sept. 2012 (Pathianni) : Pastors' Medical Relief Fund.

16th Sept. 2012 (Pathianni) : Synod Mission Fund

23rd Sept. 2012 (Pathianni) : Synod Education Fund.

27th Sept. 2012 (Nilaichâm) : Literature Fund.

{Hrangkhol chonga Bible.(NT) release nikhua inhriatmaina a nia, Tholôm le Chongchaina nei ni a ti. Hi tholôm hi chu Hrangkhol Kristian Literature Finance Officer, Upa V. L. Thanga kuta pêk ni ri se}.

30th Sept. 2012 (Pathianni) : Synod Mission Fund.

- Rev. Lalhual Hmar, B.D.

A. Rammual le vâv om omzia (Sept. 1-10).

1st September, 2012 (Irtungni)

Thupui : Vâv hi imani ?

(Gen. 1:3; Joh. 1:11)

Chairman : _____

Thuhritu : _____

Vâv hi thilsiam ata hong irzir a nia, thil tinreng hmu theina hranga siam a ni. Hi hih senkhat hmulam dana chu meiral le meirsi anga hong irsiam suakna bul tak angin insâpnahai an nei a nih. Khannisian, ei inhriatna anga ngaituana ringot hi vâv ni maka, Bible-ah ei hmu danin chu vâv hi Pathianin 'Var hong omrise a tia, kha taka irthokin vâv a hong om tak a nih. Kha vâv khan hringna le mihriam varna a hong om zel tâk a nih. Kha angin Jisua hi rammual Vâv a hong ni taka, ei ni khom Ama ata iamna khan Rammual vâv ei hong ni thei tâka, hi vâvna khom hi a hong om thei tak a ni. Kha vâv khan zing kha a hong êlinvâv, a zing kha a hong i'rkiang tak a ni.

Insîrsôpna:

1. Vâv hi a hnâr bul tak hi imani ?

2. I anga vâv hi mo mihriam hringna hranga vâv a ini ?

6th *September, 2012 (Nilaiçhum)*

Thupui : Vârna râ
(Efe. 5:6-14).

Chairman : _____
Thuhritu : _____

Ei mimal chita khom zîng ei hong nia; khan, Pathian mi ei hong chang ata irthokin vâ ei hong ni thei tak a ni. Khasikin, vâra omtuhai angin ei leng a nanga; khanchu, irchongna dik tak ei buk khôma, felna le thutak irchu'n Pathian lomlam a ei om hrang a ni.

Thil tinreng vâ a hong omin chu sualna ata om dân dik loi a om hai kha itinrenga kha vâ khan fel takin an langtir ngai a nih.

Insîrsôpna:

1. A zing ata irthokin ei hong suak tika, vâra rahai hi imo a ini hrang?

2. “Thil tinreng hai hih vâra a hong lutin chu, ama nunzia dik kha fel takin an lang ngaia, vâ khan omdân dik le sa fel takin an lang ngaia”
Hi thu hih a dik mo dik loi mo! Itin mo ? Itho mo ?

3rd *September, 2012 (Sinphutni)*

Thupui : Hringna Vâr
(Joh. 8:12; Efe. 5:8-9).

Chairman : _____
Thuhritu : _____

Hi taka hin Jisua hi rammual Vâr tia, hmuthei a hong ni. Mi tukhom, Ama zuituhai chu hringna vâ a hong neia, a zing tiang irlôi tir viat ngai noni. Jisua hi rammual Vâr a ni angin eini ama iamtuhaiin chu hringna vâ ei hong nei tak a ni. Khasikin, ei ni khom rammual vâ ei ni thei tak a nih.

Atun hin izinga nâi ni ta mak mea, vara nâi ei hong ni tak a nih. Rammual invârupu ei hongni ang hin tho a zing hi hong êlinvar ta ei ti.

Insîrsôpna:

1. Itinmo rammual vâ ei hong ni thei hrang ?
2. Hringna vâ ei nei theina hrangin imo ei tho hrang ?

4th *September, 2012 (Sinnôkni)*

Thupui : Rammual vâr.
(Matt. 5:14, Joh. 8:2).

Chairman : _____

Thuhritu : _____

Hi thu hi Jisua'n ama le ama a irti a ni Jisuan, "Keima rammual Vâr ki ni," a ti. Mi tukhom Ama zuitu chu vârin om a ta, rammual êlinvar thei a ta, kho hmuna khom le itik zoro laia khom vâr ata zing kha irki-angtir ni a ti. A zîng khan inhre ta no nia, inhremai ta no ni. Jisua Krista omna rikipa chu a zing om ngai maka, tukhomin ama zuitu le iamtuhai chu izingna lam tiang inlôi ngai mahaia, hringna vâr an nei ngai a ni. Kha angin, Jisuan, rammual vâr nin ni, ti thu hih tâng chungu thuhrilin A hnungjuihai kha a'rchutir hai a nih.

Insîrsôpna:

1. Varin zîng kha a elinvâra, a zîng reng om ngai mah. Hi thu hin a tun laia Kristian innun dan hai danglamna en irkhi roh.
2. 'Rammual vâr ei ni,' tîin ei irti thei mo ?

5th *September, 2012 (Nilaini)*

Thupui : Mihriamhai vârna
(Joh. 1:4; Rom 8:1-3)

Chairman : _____

Thuhritu : _____

Mihriam hin a bingin vâr nei thei ngai mah. Mihriam hi zing hnuai lei a om mai ngai a nih. Ama chu kalchoi loiin a oma, hmu infel loiin, le thil khom tho thei ual sa ngai loi a nia, asan chu suala a tâk sika a ni.

Bible (Pathian Thu) nin hril chu Jisua Krista hi rammuala a zuanga, sualna le thina ata zalenna a ni pêka tak a ni. Ama koptuhai chu vârna dik an nei ngai. Kha hringna vâr kha mihriam hranga vâr a hong chang tak a nih. Mihriam varna kha Jisua vârna irthoka, hmuthei le inlang thei a hong ni taka, kha taka irthokin, mihriam vârna khan mipuihaiin Jisua hmel hmu thei a nia; khanchu, Ama iamtuhaiin chu ki Rengpa le Saninzokpu a ni, tiin an hong pom thei tak a ni.

Insîrsôpna:

1. "Sualna le thina dân hnuai ata irthoka mihriam zalenna" Hrilsôp ro.
2. Itinmo Jisua hi an Rengpa le Saninzokpu a ni ti an pom theina lampui ei itho hrang ?

10th September, 2012 (Sinphutni)**Thupui : Rammual le vâr.***(Gen. 1:3; Joh. 1:4-7; Sam. 24:1ff, Matt. 5:14)***Chairman :** _____**Thuhritu :** _____

Babulon mihai iam dânin thil siam thu hi “Teamat” chi hni omin an iama, inkhatna chu Irneng ti hi a zingin a tuam khaka, a dang nokna chu irvan ti hi varin a hong om a ni. Greek iam dan chu Vanram chu vâr a ni. Vanram hi Pathian omna irsang tak a nia, irnênga rammual chu thil a nia, Pathian isiam ni mah angin an irngai. Khannisian, Pathian tirtion (*agent*) “eons”-in a siam a ni. Kha sunga khan kumtuanga om thei nina dik tak nei maka, a la iboi zit hrang, niin an irngai.

Bible-ah ei hmu dânin chu rammual le a sunga om murdi hi Rengpa ta a ni. Irnenga hring murdihai hi Pathian ta a ni. Pathianin thu a pêka, “Vâr hong om ri se” a tia, vâr a hong om zel tak a ni. Thu kha hringna bul le hnâr tak a hong ni taka, kha hringna kha mihriam hranga var a hong chang tak a ni. Var kha a zinga irthokin êl suak a ni taka, vâr dik tak a chang tak a ni. Vâr kha rammuala mihriam murdi hranga êl invârtu a hong chang tâk a nih.

Kha angin chu Jisua rammual var a hong ni. Mi tukhom, Ama zuitu chu hringna vâr nei ata izinga inlôi viat no ni. Khasikin, a zuitu murdi chu rammual var a hong chang tak a ni. Jisua’n archutirhai kuang, “Rammual vâr nin ni,” a ti pe hai a nih.

Insîrsôpna:

1. Rammual le vâr hi imani ?
2. Itinmo mihriamhai hi rammual vâr an hong ni thei hrang ?

7th September, 2012 (Irtanni)**Thupui : Rammual (Joh. 3:16; I Joh. 2:15ff)****Chairman :** _____**Thuhritu :** _____

Rammual hi ima ni? Irneng le rambunghai, le mipui, a bik piala, irchon sika a hran hrana omna thilhai, Irtha thil tiang a hnolna tam tak a om ngai.

Mihriam hi suala a tâk irthok ata thina an tuangtira, rammual khom zing hnuai a hong om tâk a nih. Khasikin, rammual hin itikni taka mo chu lâk paia, inmongtir la ni a tih. Pathianin rammual lung a thung tak tak sikin A Naipa neisun a pêka, tukhom Ama iamtuhai chu irhmang no ni haia, kumtuang hringna nei ta an ti. Hi rammual inzok theina hrangin Pathian in a Naipa a zuang itir a ni.

Rammual a vâr hong om hi det taka iam thei a nia; khannisian, mihriamin vâr nekin zing an inthang ual a ni. Asan chu an sintho kha sual porinche a ni sika a ni. Khan vâra sinthotu chu a sintho kha fel takin an lang ngai a ni. Vâra omtuhai chu Pathian a khan sin an thoa, Jisua hi rammuala invârtu a ni angin, rammual invârtu an chang ngai a ni.

Insîrsôpna:

1. Jisua hi rammuala A zuangna san tak ima ni ?
2. Itho sika mo mihriam hin vâr nekin rammual a lungthung ual ?

8th September, 2012 (Irtûngni)

Thupui : Rammual hi lungthung hrang ni mah.
(1 Joh.2:13ff; Isaia 60:1-2).

Chairman : _____

Thuhriltu : _____

Rammual thil le a sunga om tinrenghai lungthung hrang ni mah. Rammual lungthungtu chu Pa lungthung nima, sual tinreng hi rammuala om a nia, mani irzukna, mithmu le nuamna murdi rammual mihai om liannahai a neia, inkhat lua Pathian ata hong suak om maka, rammuala ata hong om zit a ni. Khan rammual le itenreng hi mani nuamna le irzukna chu hong boi theai ata, Pathian nuamlam thotuhai chu taituanin hring mai an ti.

“Tho, thoi ei ta” ei nis vâz zuang omkha îl invâr ta ei ti. Rengpa roiipuina kha ni chung a hong suak a ti. Khatena chu zîng kha hnuai chung a om ta no nia, Rengpa kha ni chung a zuang êlinvâr ata, a’roiipuina kha ni chung a hmu thei ni ta a ti.

Insîrsôpna:

1. Rammual thil om hai lungthung no unglan ti thu-ah mani’r zukna,
sual hmuthei le nuamnahai a thu dungzui hrilfia roh

2. Rammual le a sînga thil tinrenghaia hin mihriam irzukna chu a _____ om maia, Kristianhaiin hi rammuala hin itin mo hring-nun ei indik _____ thei hrang?

9th September, 2012 (Pathianni)

Thupui : Pathianin rammual lung a thung.
(Joh. 3:16; Rom 5:12ff).

Chairman : _____

Thuhriltu : _____

Thohlôm (Offering): -Pastors’ Medical Relief Fund.

Hi taka hin rammual a’rkokna tak chu mihriamhai sual irthoka, thina hi a ni. Mihriam inkhat sikin rammual hi sualna’n a’rfang suak taka, sualna khan thina a tung taka, mihriam murdi thina a’rfang suak tak a ni. Asan chu mi sual zit an nia, tute mi fel rêng om mahai; Inkhat lua om mahai; tute Pathian zong rêng om viat mahai (Rom 3:10,11) Mi murdi’n lampui dang tiang an fe suak taka, hmangrua ni thei ta maka, inkhat khom thil Sa tho om ta mahai a ni. Dân sika thil tho hin tuten Pathian mit hmua thiamchang ni thei ngai mah.

Khan, hi taka hin Pathian chu lungthungna hmuthei a ni. Pathian lungthungna hrai sikin Ama ngetin a Naipa neisun chu rammual a pêka, sualna le thina ata a ni sansuaka, taituana hringna a ni pê tak a ni. Mi tukhom, Ama iamtuhai chu irhmang no ni haia, taituan hringna neiin Jisua vârna kha an dong tira, rammuala vâz dik tak a hong ni taka, ama irthoka hringna kha mihriamhai sunga a hong luta, vârna a hong chang tak a ni.

Hi taka hin Johana’n “Irgai ro ! Pa lung ni thungna hi a luminna baka! Pathian nâihai a ni ibe tâk a ni. Hi sika hin rammual nin hre ma, ama an inhriat no sikin,” (1 John 3:1) a ti.

Insîrsôpna:

1. Mihriam vârna hi imo a ini le tuma vâz dik tak ?

14th-September, 2012 (Irtanni)

Thupui : Inpâknahai.

(Sam 150:1-6; Rom 12:1-2)

Chairman : _____

Thuhritu : _____

Inpaknahai ti hi Sam irziaka hin hmu intam ual tak a ni Pathian hrat tak tia, inpakna hi Sam :150 khan inpakna hmangrua, inpakna hmun le inpakna sanhai a nin hril a ni. Ei Pathian inpak dik zia le a satzia, ei hmu theia, a thil siama hin roinpui le a lianna i'rsângziahai hin inpak rûk le inpak a satzia hai hmu thei a nih. Inpakna hmang ruahai le i'rhai hmanga inpakna hin a roinpuina lianzia hi thil hring murdi khomin Rengpa inpakna an langtir ngai a ni.

Nang le kei khom hi thil siam laia mihring ei nia, Pathianin Ama irangpuia siam ei ni; khasikin, Pathian Ina le hmuntina a ama inpak hi a nang nget a nih. Tho ei irhaihai hi mual le phaihai le hmun tina intông tir'n Pathian inpak ei ti. Ei mani nget i'rpêka Pathian tianga hring le Ama lominruka, sintho'n inhlan ei ti. Ama hi Pathian biakna dik tak chu irvâna Pa Pathiana hringna vâ neitu hi mihaiin ipakna irhâi an inhriata, Pathian an inpak theia, hringna vâ an nei theina hrangin.

Tho Kristian hong roh ! Ei rengin Pathian inpakna hrangin a hmun hmuna i'rhai intông tirin khek suak ei ti.

Insîrsôpna:

1. A hmun hmuna Thurchi Sa sika rammual pumpuia, mihai kuan-ga

khêk suak le sin tho hrangin tu mo fe suak hrang ?

2. Ei Mission sina, hlô inchuktir hrangin ianga irpêkna mo ei in-nang?

B. Mission-ah rammual vâr nin ni (Matt. 5:14)

11th-September, 2012 (Sinnôkni)

Thupui : Thurchi Sa hrilna.

(Mk. 16:15; Matt.28:18-20).

Chairman : _____

Thuhritu : _____

Thuhrilna hi mi senkhat sakhua thurchi inhril khôma, abik takin ngaituana le om dân lama irchuna le ngaituana sôl le buaina kara khom itin anga ngaitua theina le insapna nei hranga hrilna a ni.

Ei Mission omzia 'tîrsuak' ti hi Jisua Krista Mission a ni. Irchutirhai somhleihni (12 *disciples*)-hai hi rammual pumpuia hrilna sintho hrang inthang an nih. Kha irthoka a dongtu le Thurchi Sa a iamtuhai chu hringna vâ le taituan hringna an nei tak a ni.

Atun hin eini hih nam inthang, Koiindanga inthang ei ni. Rammuala vâ inluangsuaktira, rammual pumpui Thurchi Sa hrilna sin hi a ni. Khasikin, Mission ti hi, Thuhrilna poimo tak nia, rammual tina Krista Thurchi Sa la dongloihai laia insir le hrilna sin hi Jisua thupêk a nih.

Insîrsôpna:

1. Thuhrilna hin ei Kristian Mission imani ?

2. 'Kristian Mission hi Pathian Mission a ni.' Hrilfia ro.

*12th-September, 2012 (Nilaini)***Thupui : Thurchi Sa irchutirna.***(Matt. 28: 17; II Pet. 3:18)***Chairman :** _____**Thuhriltu :** _____

Irchutirina omzia chu a bika irchu hranga thupui zêka, mipuihai irchûna khan thil imo khôk i'rhmutir le inhriatna hranga sintho hi a ni. Kha angin Kristianin a'rngaisang tak chu Jisua Krista ata Thurchi Sa irchutirna sin hi a ni. Kha kha Jisua'n eini hai tho hranga thupêk le a hnungzuituha tho hranga a pêk a ni.

Thurchi Sa hrilna sin hi ei Pathian Mission poimo tak a ni. Kha Thurchi Sa irchutirnaa khan mipuihai chu inrenna tianga an hong irsôn liana; Khan Rengpa le Saninzokpu, Jisua Krista hriatna lam tiang an hong puihling zêl ngaia, hringna vâ an hong nei thei ngai a ni.

Insîrsôpna:

1. Ei Mission a hin Thurchi Sa irchutirna poimohai imani ?
2. Itinmo mihaiin Krista inrenna le inhriatna tiang hin an irsonlian _____
thei hrang?

*13th-September, 2012 (Nilaichum)***Thupui : Chongchâinahai***(I Tim.2:4; Kol.4:2-9)***Chairman :** _____**Thuhriltu :** _____

Kristian hring nun a hin chongchaina hi a poimo tak a ni. Kristian chongchai nuam loi mihai hrangin chu ichiom tak a ni. Jisua khom a hnung zuituhai kuanga, inthêmna an lut nona hrangin chongchai mai ngai hrang in a hrilhai. Tirton Poula khomin Timothe kuang ngenna chongchai le nghina chongchaina le Pathian kuanga lom thu hrla, mipui murdi tho ngai hranga inhlan hranga thu a hril a ni. Renghai le thuneitu murdihai khom Pathian inzâ puma om dân dik sina irngaiintomna le irtharngam taka, leng hranga ngenna a ni. Tirton Paula ngetin Kolossa Koiindang kha Jail ina a om sùng lai khan Krista Thurchi Sa irthup tak kha inpuangna zoro satak chu Pathianin a pêk theina hranga chongchaipuina a ngênhai a ni.

Khaang denin, Rammual vâ eini tak sikin ei Mission sinthona hin renghai le thuneituhai, iamnotuhai le ei rama mihai hin Jisua Krista an inhriata, vârna an donga, hringna vâ an nei theina hrangin chongchaipui hai ei ti.

Insîrsôpna:

1. 'Kristianhai chongchaina' hi imani?
2. Itinmo ei chongchai hrang? Izoroa mo ei chongchai hrang?

18th-September, 2012 (Sinnôkni)

Thupui : Kristian Thilpêkna.

(II Kor. 9:6-7; Mal. 3:7-12; Lev. 27:26-30)

Chairman : _____

Thuhriltu : _____

Kristian hai thilpêkna hi Pathian nin nuam lam a nia; khasikin, Pathianin rammual lung a thung tak tak sikin A Naipa neisun a pêka, kha irthokin tukhom, Ama iamtu hai chu irhmang no ni haia, taituan hringna nei ta an ti. Bible-in thil pêk tuhai khomin inhnar loi taka pêk hrangin a hril a ni. Inrianghai chung a irphal taka pektu chu kumtuanga lungril sa nei mai a ti. Pathianin lung a nin khama a Naipa neisun a ni pêk tak a ni; khasikin, eini khomin lung ei thung ngêt hrang a ni.

Kristian thilpêkna hai chu-

1. Râ masa irthôka somainkhat:-

Bu le thei râ masa hai kha Rengpa ata suak a ni sikin soma inkhat hi Rengpa kuanga pe masa phot hrang a nang. Hianga pêkna hi Rengpa ram lianna hrang le Pathian biak ei nina zara inhlan le irpêkna sin a ni. Khan, mi haiin ei ram kha lomna ti thei an ta, ei omna hmun khom lengna hranga satak ni thei a ti.

2. Mission ta hranga sun khat hlôman :-

Ei inhriat hrang chu bu chi song intôm haiin râ khom tomte man anta, song intam haiin râ khom tam tsak hmu an ti. Mitinin irsirna nei puma ni loi Pathian lungkhamna inhriata, lomtaka pektu hai hin Pathianin lung an kham ngai a ni. Pathianin zoro tina hlochuk tak le irchongin ni siam ata, zoro tina inhroi loi takin pekna hi ei tho thei mai hrang a ni. Hi anga sinthona hi mi dangin nang hranga ei itho vai ni loiin, Pathian lungthungna ei chung a siam suak le sip ual theina hranga a ni. Tho ei Mission ta hranga man boia ei ihmu hi Pathian kuang lom thu hrilin, pe

Insîrsôpna:

1. Rammual vâv ei ni ang a hin itin mo Mission sina hin Kristian

pekna lama sin hi ei tho ual thei hrang.

2. Sûnkhat sinthona hloman hi Mission ta hrangin ei Synod sunga

15th-September, 2012 (Irtûngni)

Thupui : Sintho Sahai.

(Matt. 5:16; Eph. 2:10)

Chairman : _____

Thuhriltu : _____

Eini hi Pathianin a ni siama, Jisua Krista leh irkolpui sinthona Sa hai sinin hringpui mai hranga siam ei ni. Hi hih eini hrang piala siamsai a ni tak. Hi taka hin Jisua'n, "Mî'n meiser halin khamphulu hnuai sia ngai ma hai, a siana kêng an isia ngai; khanchu, insûnga mi murdi a êl invâr ngai a ni. Kha ang denin, nin vâv kha mi mithmun vâv ri se; khanchu, nin thil tho sahai kha hmu an ta, nin Pa irvana mi chôiindom thei an ti." iin a hril.

Khasikin, sin sa tho hi hnôngloiin hmâ tiang panin, irzal loi takin ei sin maiin chu a râ ei ât le irhmal zoro la hong tung nget a ti. Khannisian, hianga sin sa thei hrangin chu mi tinreng chung a sin sa tho hih abik takin lamna-ah ei insungkuahai laia sin sa tho hi a nang tak tak a ni.

Insîrsôpna:

1. Ei Pa irvana mi inpakin a om theina hrangin le mihaiin ei sin sa

tho an hmu theina hrangin mihai chung a sin sa tho irnak song ual ei ti.

16th-September, 2012 (Pathianni)

Thupui : Kristian Nun.

(Fil. 1:27)

Chairman : _____

Thuhritu : _____

Tholôm (Offering): - Synod Mission Fund.

Nun omzia tak chu mihriam manih thil manih a bik taka, nina le thil dang leh danglam bikna a irkok a ni. Mihriam hrat nina zia tak chu huaisenna le tumna inthuktak nei hi a nia, kha nina khan mihriam irhming satna, sinthotheina le mi ang nona zia danglam bik manih mi donsuito manih khom a chang thei ngai a ni.

English Thuvâr miluiin hiang hin a hril, “Sum-puan irhmang chu ite inchân ni maka, hrisêlna irsam chu imo khôk a inchân a ni. Khannisian, mihriamin a nunchan a’n siatin chu a rengin a incha’n zit a ni. Tirton Paula’n Fillipi Koiindang hai kuanga a ti chu -Nin hringna lampui hranga a nang ual tak chu Krista Thurchi Sa hi a ni ual hrang a ni. Tirton Poula nuamna hin Krista lungkhamna khan a chungu thu a neia, a ipom chu mi murdi hrangin mi inkhat a thia, a om zia tak chu thina irkop pui tina a ni. Mitin hranga thi a ni. Khasikin, ama-ah hringtu chu mani hring vaia hring ni ta loiin, thina irthoka thoinoktu hranga hring a ni tak a ni.

Hi hin Kristian nun hi nun indit om tak a nia, Krista angna neiin hmu thei a ni ngai. Irchutihai Peter le Johan khom kha Krista zara hringin, mi murdi’n an nunchan hmu thei an ni thei tâk a ni. An nunchan khomin mipuihai chungu thu a hril tak a ni. Mahatma Gandhi’n, “Nunchanin kêng ram an ding ngai,” tiin a hril.

Insîrsôpna:

1. Kristian nun hi itîna mani ?
2. “Nin hringnun lampui chu Krista Thurchi Sa leh i’rhmê ri se” ti hi hrilfia roh.

17th-September, 2012 (Sinhputni)

Thupui : Indamna sin (Mk. 3:14 ;15-18)

Chairman : _____

Thuhritu : _____

Thurchi Sa Marka irziakin Jisua Krista sintho dan a nin hrila, Jisuan Irchutih 12 (somhleini) inthanghai kuang a oma, Thurchi Sa inpuang suak hrangin le ramkhor (*demons*)-hai inhnot suak hrangin thuneina pêkin an oma, le dam nohai chungu khom kut irhngatin, Jisua Krista irhming sikin damna khom an chang ngai a ni.

A chungu ei hril angin, Ama-ah om hrangin koi ei nia, Thurchi Sa hrila, ramirhli inhnotsuak le damnohai chungu damna inneitir hranga thuneina pêk an ni. Khasikin, amasa taka inhriat hrang poimohai chu:

1. Inkhatna, Ama-a (Jisua) kop ngit hrang a ni.
2. Inhnina, Jisua Krista Thurchi Sa hrilin ei fe mai hrang a ni.
3. Inthumna, damnohai khom Ama i(Jisua) irhmingin indamna sin ei tho mai hrang a ni.

Jisua Krista irhming sika, Pathian Thu ei hrilna le indamna sin ei thona hin mipuihaiin ei nia hin Jisua an hmu thei hrang a ni.

Mani hin ei irsong viat hrang ni mah. Mi tukhomin irsong a nuamin chu Jisua irhmingin irsong ri se. Rammual vâr ei ni angin rammual hin ama ata i’rthokin ei vârnahai inhriattira, khanchu mi haiin Jisua Krista kha an ni hranga Indamtu le Saninzokpu hmu thei an ti.

Insîrsôpna:

1. Damnohai chungu kut irhngat hi a dik mo, dik loi mo ?
2. Damna sinhai hi tu irhmingin mo ei tho hrang ?

22st *September, 2012 (Irtûngni)*

Thupui : Kristian sângkua maichâm.

(Gen 12:8; Tir. 10:2)

Chairman : _____

Thuhriltu : _____

Maicham om zia tak chu (dokân) (*table*) chung a Pathian hranga inhlânna siam hi a ni. Abahama khomin a fêna hmu hmun tina zoro tôite hrang khomin a masa taka Pathian biakna hrangin maicham a siam ngai a ni.

Kristian sângkua chu chongchaina in a ni mai nget hrang a ni. Pathian hranga maicham khom siam nget hrang a ni. Khataka irthôkin ei vârna khom rammualin an hmu thei hrang a ni. Jisua Krista hi Kristian sungkua a Lû tak chang hrang a ni. Inza le mahrip puma biak hrang a ni Ni tina voi khat chu a tak ngeta Kristian sungkua tin hin sângkua maicham siam hi a nanga, a zoro khom toite ni khom siam irfûka, Bible tep irchutirna le Rengpa chongchaina neia sângkua maicham ei hmang nget a nang. A sun tina sângkua maicham tho loina chu zing hnuai la om mai an ni. A san chu Jisua Krista leh an om suamno sika a ni. Mi tukhom Jisua zui le iamtu hai chu vârna rama om an ni taka, hringna vâ

Insîrsôpna:

1. Hringna vâ an nei theina hrangin itinmo vâ takin kal ei choi hrang?
2. Kristian sângkua ei nina ang hin kho hmuna khom ei ithilhai mo

19th *September, 2012 (Nilaini)*

Thupui : Mipuihai om dan dik taka indom i'rsangna.

(Isa. 62:10ff)

Chairman : _____

Thuhriltu : _____

Babulon rama Israel mipui suaka (sala) intâng hai kha Jerusalema an hong kira, kum idôr tôk manî chu saninzoka an om kha an irhngil tak a ni. Kha khan manî tiang ite irsiamna neiloiiin Rengpa lomna ngaitua loiin dai riamin an om taka, Pathian In (*Temple*) khom indingna châng hai inhre loi le Pathian tiang irheina lungril reng nei ta loiin an om tak a nih. Pathian ata inhriat tirna chu Ama tiang irheia, kîrnôkin, Pathian In siam hranga ngen an ni. Khan, khopuia fe suaka, lam lian siam vai ni loiin, Israel mipuihai khomin om dan dik taka, mipui dinghmun indom irsang hrangin inthor hai an ni.

Israel hai le a tuna Jisua zuitu hai murdi hin Kristian nina dik taka, indomirsangtir a nang a ni. Ei vârna hi rammual êl invâr ei ti. Ei ni ata vâ hi mipuiin hmu ri se hai. Hringna vâ an nei theina hrangin Rengpa hi biak ta ri se hai.

Insîrsôpna:

1. A tun laia Kristianhai hi mihaiin iamzoi nona an i nei hi itho sika
mani ? Ngaitua sabak ei ti.
2. Atunlai mi hai hi Pathian ram ei lut thei nona hranga ni khâltu hi

20th *September, 2012 (Nilaichum)*

Thupui : Thoiin lan, vâ suak roh.

(Isai. 60:1; Efe. 5:14).

Chairman : _____

Thuhriltu : _____

Hi thu hi Isaia ata lak suak a ni (Isaia 60:1). Suaka intâng Israel mi hai chu Babulon ata Jerusalem an hong kir hnungin, Jerusalema khan zâl chiana, inin an oma. An ram irthoka hruaisuaktu an Pathian kha irhngilin, an chung Pathian roiinpuina vâ le ram dang mihai zing hnuaiia irthup kha lan fel thei mahaiia, Pathianin a inuam tak chu Ama tianga kirnôka, izing ata vâ suak hrangin thu a pêk hai a ni.

Kha ang denin, eini Pathian mihai khom Israel-hai angin Pathian saninzokna dong ei nia, khannisian, om chian le la in musu maiin ei om mai a ni. Khasikin, tho, har ei ta, thina ata thoi ta ei ta; khanchu, Krista khan ni êl invar a ti. Khanchu, rammualin ei varna kha hmu an ta, hringna vâ nei thei an ti.

Insîrsôpna:

1. Eini hi rammual vâ einia, kho reng ata mo ei thoia ei êlinvâ suak ta hrang ?
2. Itho sika mo Dima Hasao District sînga hin kum sang tam tak vârna Thurchi Sa dong zoi hnung khomin, atun tena hin mipui tam tak hi zing hnuaiia an la om mai?

C. Kristian insîngkua-ah rammual vâr nin ni.

21st *September, 2012 (Irtanni)*

Thupui : Kei le ki insîng mihai chu Rengpa sintho kin ti.

(Matt. 5:14-15; Josh. 24:15-28).

Chairman : _____

Thuhriltu : _____

Hi thu hi Josua'n a mihai kuanga thuhiril a ni. Khan, Josua chu a hong tar ok taka, Sekem khuua khan a mihai kuang inthâna thucha a hong hril tak a ni. A mihai kha tu sin tak mo ei tho hrang tiin ngenna chongbâi a hril. Ei irchibul ibiak Pathian mo, Amor-mihai pathian mo, Aigupta ram rengata ni hruaisuaktu Rengpa mo ei ibiak hrang? tiin a hril.

Khan, Israel mipuihaiin Rengpa sin tho hrangin samna (*answer*) an pêk. Josuan ram dang pathianhai an mak non chu Rengpa sin an tho thei loi hrang thu a hril haia, Rengpa hremna kha an chung a tung hrang thu a hrilsa a ni.

Kristian insîngkua Rengpa sinthona hi en a hoia, raifanna le satna a om ngai a ni. Khannisian, mi huangna le mumalboi lungril hmang mi hai chu Pathian sintho thei no ni hai, tiin Josuan a hril.

Insîrsôpna:

1. Rammual vâ ei nina anga imo insîngkua Pathian sintho hranga khâltu ?
2. Tuhai leh mo Pathian sin ei itho hrang ?

26th September, 2012 (Nilaini)

Thupui : Pahai o nin dongmahai lungthungin, an chung a سوالنو

roi.

(Kol. 3:17; Efe. 5:21-32)

Chairman : _____

Thuhrlitu : _____

Tianlaia mihai irngai dana chu nupang hi pasalhai hrang vaia a nia, pasalhai hi chu nupang hranga nimak ti hi Jentilehai le Judahai rammual zoroa dinghmun a ni. Pasalhaiin an nupanghai kha thil mai mai angin insâp an ni. Khannisian, Kristian huna chu pasal le nupang hmunkhat anga irngai thei a ni. Khan, Paulan chu hi thu hih thu tak inthuktak inkung angin a hril. Pa hi Krista a nia, nu hi Koiindang nina anga insir a ni.

Khasikin, Krista'n Koiindang lung a thung angin pasal khomin an dongmahai kha mani taksa ang taka, lung a thung hrang thu hril a ni. Mi tukhomin mani taksa hmumak ngai maka, enkolna dik le sa a tum ual ngai a ni. Krista'n Koiindang khom kha ang denin lung a thung ngai a ni. Khasikin, Pasal khomin mani dongma kuang soal tho loi-ah mani taksa pum nget anga lungthung ual hrang a ni. Pasal murdi hin mani dongmahai hi mani takpum anga lungthung le nupanghai khomin mani

Insîrsôpna:

1. Rammual vâr ei nina anga hin pasal le dongma (sangram) hi inhni

ni maka pumkhat an ni hrilsop roh.

2. Itho sika, mo pasalin a dongma lungthungin a chung a سوالنو ri se,

23rd September, 2012 (Pathianni)

Thupui : Kristian sîngkua-a lu tak.

(Deut. 6:1-9)

Chairman : _____

Thuhrlitu : _____

Thohlôm: (Offering):-Synod Kristian Education Fund.

Atangpuia hmutheia inlang le a pangai lei hmang dânin insîngkua-a a lû ual tak chu pa le nu hi an ni. Nu le pa khan taksa leh irtha tiang khom mophurna an nei ngai a ni. Khannisian, Kristian sungkua a lu tak hrang chu Jisua Krista hi ni nget hrang a ni. Tho, lungthungna tak neiin Ama nget lungnithungtu le ei omna lam tinrenga, enkoltu hi zoro tinrenga dik takin biak ei ti.

Ei nâi le tehai hi bu le anh pek ringot pêk kha ruk maka, Pathian lung a nin kham zia thu irchutirna pek hi a kam nang tak a ni. Ei nai le tehai hi insîng le pentiâng sin tho zoroa le irngam zoro lua khom irchutirna pêk hi a satea poimo tak a a ni. Pa'n lung a ni thung angin ei nai le tehai khom lung ei thung hrang a ni.

I anga thil tho'n mo ei sinthotuhai hi taituanna êlinvârna sin hi rammual invârtu ei nina angin ei êl invâr ta hrang a ni.

Insîrsôpna:

1. Itinrenga ei kalchoi a sa theina hrangin insungkua hruaitutak (lu tak) sintum poima tak chu ima ni ?

2. Pathian lungthungna thu hi ei nai le tehai hi itika mo ei

=====

24th *September, 201 (Sinphutni)*

Thupui : Insûngkua-a kristian naipanghai.

(Efe. 6:1; Sam. 127:3)

Chairman : _____

Thuhrlitu : _____

Nai le tehai hi Pathian ata thil manboi pek a nia, satvurna dik tak a ni. Mihriamin naipasalhai a hong neia, an hong sei lianin chu sepai kuta ûfei nei ang an ni. Kha anga ufei tam lak neitu chu an van a sa, roirelna hmu-ah khom a ralhahi irtokpui sian lan itik lai khomin hrat loiin om viat no nih.

Kristian sêngkuaa nai le tehai hi Rengpa a nu le pa thu ôituhai hi an ni, ti hi thil dik tak a ni. Nu le pa thu ôi hi chongsôm pêk masa tak a nia, a chonginkungna khom belsa a ni. Kha tena chu tinreng satakin an ni ata suak a ta, hnuai a khom hring sot a ti. Naipanghai ta hrangin Rengpaa nu le pa thu ôi le nu-pa mahrip tho hi hnuai hring sôt na le raifanna a ni ti chonginkung a nia; kha taka ata khah Pathian choiindomna vâ kha hmu thei an ta hring an ta, hringna vâ nei thei an ti.

Insîrsôpna:

1. Kristian naipanghai hi tuhai manni ?

25th *September, 2012 (Sinnôkni)*

Thupui : Kristian sêngkua pu le suakhai

(Efe. 5:6-9; Kol. 3:22-25; 1Tim. 6:1-2)

Chairman : _____

Thuhrlitu : _____

Tiana khan chu mirchonghai le milianhaiin suak an nei ngaia, suak hi asate renga irngai hniam ngai a ni. Khan, zoro hong thiaiiin suakhai le puhai chu Kristian an hong chang tak a ni. Suak le pu laia Kplosia khuua khan Filemona le a suakpa Onesima chu Kristian an hong chang tak a ni. Kha khan, suakhaiin zalenna hmu hrangin nuamna an hong nei taka, buaina a hong suak tak a ni.

Hi taka hin Paulan, Kristian sêngkua suak le pu kara buaina hong om hi siam insa a nuam tak a ni Suakhai khomin an puhai chungu thu zom hrangin a ngenhai-ah, an mithmu vaia sin tho ngai loi a Pathian inza puma lungril irhnuai le dikna nei a, thil tho hrangin anthorhai a ni. Thil tinrêng nin itho chu lungril taka mihriam tahranga irngai loiin Rengpa sinthona irhngat lem hrang a ni. Rengpa khan a mihai chungu sintho kha lomman a pêk hrang a ni. Khasikin, Krista vaih hi Pu dik tak a nia, Ama sin vaih an itho hrang a ni.

Hnuia rama puhai khomin irvana Pu an neia; khasikin, suakhai chungu, satak le enhoi taka, enkolhai hranga, ngen a ni. Kristian sungkua hi rammual vâ ei nina angin thil tinreng ei thohai hi lungrila dik taka tho hranga ngen ei ni. Mihriam mithmu anga thiltho loa, thil tinreng ei tho chu lungril taka, Rengpa hranga sin hrangin irchutir ei ni.

Insîrsôpna:

1. Kristian ei nia, Pu hai om loi kara hin itin mo sin ei tho ngai.
2. Pathian mithmua Irthiangna dik tak ima ni ?

30th-September, 2012 (Pathianni)

Thupui : Kristian sângkua inlianna.

(*Tir. 10:1-6, 44-48; Sam 128:1-6*).

Chairman : _____

Thuhritu : _____

Tholôm (Offering): - Synod Mission Fund.

In chu omna hmun a nia, mitin in ei irenkolna bik hmun sa tak a ni. Kha ina khom ei nun le thil hong irsiangna bul phutna masa tak a ni. Kha khah ei omna ram le khom irzompui a ni.

Khaang khan, Kristian in hi Pathian chituhai, Kristian insângkua omna hmun le irenkolna hmun sa tak a ni. Kristian In chu chongchaina In a ni. Kornelius insungkua angin lungkhamna neia tikhoi mihai In chu mi inrianghai le mi irsam ngoi ngoihai changpuitu an ni. Anni hi sakhua mi le Pathian kuanga takirtai taka chongchai mihai an ni. Pathianin an chongchaina le inrenna sin an thona chu a loma, an chongchaina chu a sam pêk ngai a ni. Sûn izâ zoia chu Petera chu Kornelia ina a fê lai khan itenreng hrilin a om taka, Petera thuhiril irngaihai chungka khan Irtha'rthiang a zuang chum tâk a ni. Khanchu, hriatloi chongin an chonga Pathian roinpuui zia an inpâk tak a ni. Khasikin, kha hmun khah mipui lungrilhai damna le Irthahai damna hmun a hong ni tak a ni. Khanchu, Rengpa irhmingin baptisma an chang tak a ni. Hi thurchi tôite hrilna hi Kristian In lian zia fel taka hril inlang a ni.

Sam. No. 128-ah hril chu - "*Rengpa chituhai ka chu an vân a sa, A lampui hrôtuha chu. Ni kut sin sôlna râ chu fa ni ta; lom takin om ni ta, Irtha irthi phiaain om ni ti. Ni dongma chu ni insung rila khan grep hrui râ nuam tak angin om a ta, nâi le têhai chu ni maichâm irhilin olive chiakhai angin om an ti. Irngai ta, Rengpa chi mi chu khaang khan satvurin om an ti.*"

Insirsôpna:

1. A dang dang inhai nêkin Kristian In chu roinpuina a nei ual? Ei rengin insirsôp ei ti.
2. Nin Koiindang sũa hin Kristian In anga om Kristian insungkuahai idôr mo an om ?

27th-September, 2012 (Nilaichum)

Thupui : Kristian nupanghaiin chu mani pasanghai kuang irpêklût ri se.

(*Kol 3:18; Efe. 5:21ff; Gen. 2:2ff; ITim. 2:9-15*).

Chairman : _____

Thuhritu : _____

Tholôm : Literature Fund.

Bible-ah hril danin, dongma entirna chu Koiindang a nia, a pasal entirna chu Krista a ni. Koiindangin Krista kuanga a irpêklut angin dongma khom mani pasanghai kuang irpêklut hlet ri se; a san chu nupang hi pasal ata siam a ni sika a ni. Rengpa kuanga irpêklut angin dongmahai khom an pasanghai kuang an irpêklut hrang a ni. Koiindang chungka Kristan irchamneina a ichang angin pasalin a dongma chungka irchamneina inkoltir a ni. Krista hi Koiindang saninzokpu a nia, Koiindang hi a takpum a ni. Khasikin, Koiindangin Krista kuang a irpêk zoi hlet angin Kristian nupanghai khomin an pasanghai kuang an irpêklût hrang a ni.

Pathian insângkua a hin Koiindang hmun poimo tak a ilua angin Kristian insungkua chu nupang (dongma) hin hmun a poimo tak dinghmun a chang a ni. Asan tak chu nai le te neitu, le iamna nei taka lungthungna le thu hnuairôlna neia, irthiang taka enkol maina sintum a nei sika a ni.

Insirsôpna:

1. Rammual vâr ei nina hin Kristian insungkua nupanghai (dongmahai) dinghmun ima ni ?
2. Nupang haiin an pasanghai kuanga an irpêklut angin, Koiindangin tu kuang mo a irpêklut hrang le itho sika mo ?

28th-September, 2012 (Irtanni)

Thupui : Nupang om dân thei.
(Thuv. 31:10ff; 14:1-2)

Chairman : _____

Thuhritlu : _____

Thuvar ziaka a nin hril chu - nupang fel le om dan sâ hmu a in takzia a hril. Nupang om dan sa le om dan thei chu lung mantamhai nêkin a hlu ual ok a ni. A pasal chung a iamna le irngat zoina nei ata, a pasal chu itiklai khom inriang no ni. A hring sâng chu sin sa tho mai a ta, mi hranga siatna reng tho ngai no ni. Ama chu zing taka a vâ ma'n tho ata, a insungkuua bu-anh suangin irsiam mai a ti. Kha insunga khan puan pat-irhna irfûkin takirtai takin, sin mai a ti. Thil tho tinrenga a hlutziahai inhriatin sîn le zâna sin a tho mai ngai. A insunga puan lum satakhai a nei tak sikin a dai le ivûr tâk khom sian ama chu ite a char-dong ta noni. Nupang fel chu bu le bâlhai khom ram hla taka bûk khom ata, irhuan ata thei râ hai a lâk khom ngaia, inriang le irsam mihai chu ngaihoi takin a changpuihai ngai a ni. Ama chu zoro tina sin a tho mai ngaia, a insungkua-a innanghai a ngaitua mai ngai a ni. A pasal khom khôtânga mihai inhriat inlâr tak a chang thei ngai a ni. Khanchu, hi ang hin a pasalin inpâk a ti. "Nupang tamtak hi dongma (nupang) sa an nia; khannisian, nangma hi an laia nupang fel tak ni ni; ti a ti. Khan, satna le hmelsana le hong irhmangtir thiai a ta; khannisian, Rengpa inzâ mi chu inpakin om an ti. Kha, nupang kha rammual vâ a ni na angin, a insungkua êlinvârin le a khua le a bômhai ta hranga vâ hong ni a ti.

Krista Koiindang ei ni angin moinu, Krista hriatpuitu ni hrangin irsiam ta ro, ei insungkuahai, ei khuahai, ei tualbômhai, le rammual pumpui inêl invâr tang ei ti.

Insirsôpna:

1. Rammual vâ ei ni angin, eini Kristian insungkua laia hin itin mo

nupang dik tak ei ini thei hrang ?

2. Rammual vâ ni theina hrangin, itin mo sîn le zâna ei zorohai ei

hmang hrang ?

29th-September, 2012 (Irtûngni)

Thupui : Sûngkua hlim le raifân. (I John. 3:11-16; II Pet. 3:8ff)

Chairman : _____

Thuhritlu : _____

A maton taka, sângkua hlim le raifân ei nuamin chu Jisua chongbai, a irchutirhai kuanga a hril kha irhngil hrang ni mah. Kha thu kha "Lung irthun-ghlôm roi" thupêk a ni. Kaina angin ei iom hrang ni mah. Ama chu misual a nia, a sangpa Abela thattu a ni. Itho sika mo Kaina'n Abela a ithat ? Asan chu Kaina sintho kha thilsa loi a thoa, a sangpa sintho kha asa sikin, a hnarsa tâk a ni. Mi tukhom, a ureng hmumâk chu tualthat a ni. tualthat mihai chu Krista a taituan hringna chang no nihai, ti ei inhriat a ni. Ei inhriat hrang chu thina ei mâksan taka, Pathian nina irthiang kha pêkin hringna thar ei hong dong tak a ni. Khasikin ei iamna hin thei dorin sin sa insua mai eiti, ei dikna khan hratna a pêka, ei inhratna khan mania irdîn theina a pêka, irdîn theina khan tuangdiarna a pêka, tuangdiarna khan Pathian mi nina a nin neitira, Pathian mi nitna khan ureng inrenna a nin nei tira, urêng inrenna khan lungthungna a nin neitir a ni. Kristian insungkua hin hianga nitna sa hi ei innang a nia, kha anga nituhai kha ei nei intamin chu ni siam inhriat ata, ei Rengpa Jisua Krista inhriatna lama hlo chukna nei ei ti. Khannisian, mi tukhom hringa nitna a nei chu hmu thei loiin om ata, tianlaia sun hnunga sualnahai kha irthiangfai tak kha irhngilpai riam a ti.

Khasikin, ei rengin ngaituana hmun khat nei le tumna hmun khat nei ei ti. Urêng khat anga lungthung irhlom, le thuhnairôl le lungkham irhlom ei ti. Siat kha chu siatin nget thuan no ro, khomâk sâma chu khomâk samna ngetin thuan no ro, kha nekin saturna thuanhai roi. Saturna chu Pathian a ni koi laia, ni pêk hranga chonginkung saih a ni. Bible-in a hril chu "Mi tukhom a hringna inhroi le zoro sa hmu nuamtuhaiin chu sualna chonbâi ata irkianga, irngeina lungrila sin sa thothuai chu Rengpa'n a enkol ngaia, an chong chaina khom a'ngai ngai a ni. Khannisian, sual thothuai chu doi a ti.

Khi a chung a ei hril tak angin, ei tumnanahai le ei nitna sahai hi Kristian insungkua-a hmun a changa, sin a tho'n chu hlimna raifân insungkua a chang thei ngai a ni.


Insirsôpna:

1. Itin mo ei Kristian insungkua hi hlimna /raifanna in a hong chang thei hrang ?

2. Milak thonahai le chong sa loi l _____ â saloi hong omnahai hril ro.

GACHAR HILL TRIBES SYNOD

(1st - 30th September, 2012)



Thupui:-Rammual vâr nin ni (Matt. 5:14)

(You are the light of the World)

Siamtu:

Rev. Lalhuol Hmar, B.D. Haflong.